

नाथ थारे शरणे आयो जी,
जचै जिस तरां खेल खिलावो,
थे मनचायो जी ॥

बोझो सबी उतरयो मन को,
दुख बिनसायो जी,
चिन्त्या मिटी बडै चरणां रो,
स्थारो पायो जी,
नाथ थारे शरणै आयो जी ॥

सोच फिकर अब सारो थारै,
ऊपर आयो जी,
मैं तो अब निश्चिन्त हुयो,
अन्तर हरखायो जी,
नाथ थारे शरणै आयो जी ॥

जस अपजस सैं थारो,
मैं तो दास कुहायो जी,
मन भंवरो थारा चरणकमल सूं,
ज्या लिपटायो जी,
नाथ थारे शरणै आयो जी ॥

जो कुछ है सो थारो,

मैं तो कुछ न कमायो जी,
हानि-लाभ सैं थारो मैं तो,
दास कुहायो जी,
नाथ थारे शरणै आयो जी ॥

ठोक-पीट थे रूप सुंवारयो,
सुघड़ बनायो जी,
धूळ पडयो कांकर हो मैं तो,
थे सिरै चढायो जी,
नाथ थारे शरणै आयो जी ॥

नाथ थारे शरणे आयो जी,
जचै जिस तरां खेल खिलावो,
थे मनचायो जी ॥

पद रचैता – श्रीहनुमान प्रसादजी पोद्दार ।
Upload By Vivek Agarwal Ji

Source: <https://www.bharattemples.com/nath-thare-sharne-aayo-ji-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>